

inteso le zente di Verona doveano ussir, ha deliberato col signor Zuan Giacomo far provedador a Peschiera, et voleano mandar li Babon di Naldo con 300 fanti.

Se intese, per i nimici di Verona è stà preso 6 cavali di quelli di la compagnia di sier Antonio Grimani procurator, stato orator a Milan, venivano in qua, e questo sul mantoan. *Unde* per Colegio fo scritto al marchese di Mantoa di questo, dolendosi di tal cossa.

È da saper: nostri tratano condur il signor Thodaro Triulzi per governador zeneral nostro, e fo scritto di questo al signor Zuan Giacomo, qual laudò summamente a tuorlo.

Da poi disnar aduncha, fo Pregadi per far il pre-dito effecto.

Da Constantinopoli, di sier Nicolò Zustinian baylo, date in Andernopoli, a dì 9 Decembrio. Come quelle zente mandò il Signor turchi contra il Sophi con il bilarbei di la Natolia, essendo lontan di Tauris zornate . . . par da quelle zente dil Sophi siano stà fugate etc. *adeo* che il bilarbei è ritratto. Per il che il Signor manda li 3000 . . . e fa provision a invalidir le forze, e di questo danno ha auto gran dolor. Dice voler andar in persona, ma non si vol partir ancora di qui fino non sia concluso o paxe o trieva con il re di Hongaria; la qual si tien seguirà le trieve.

Replica, quel orator dil Sophi fo qui, portò presenti al Signor per ducati 100 milia.

Di Vicenza, dil podestà e provedador fo letere. Come quelli è in Verona se ingrossano di zente, e al tutto voleno ussir; et si ha il marchese di Brandiburg è zonto a Verona; e altre particolarità *ut in litteris*.

Fu posto, per li Savi, elezer *de præsenti* uno orator a Milan a lo illustrissimo ducha di Barbon gran contestabile, fino el starà de lì, con pena, con ducati 120 al mese: et fu presa.

E tolto il scurtinio, rimase sier Andrea Trivisan el cavalier, el qual subito acetò, partirà fin 10 zorni. Il scurtinio sarà qui avanti.

268* Fo leto alcune letere, con gran credenza, drizate al Consejo di X et scrite in risposta per dito Consejo di X con la zonta, in materia di far governador zeneral, e l'opinion del signor Zuan Giacomo Triulzi, e altre letere di sier Marin Zorzi dottor, orator in corte, zercha il signor Frachasso, qual veria a servir la Signoria nostra come si volesse. Era a Bologna col Papa, et ha provision da Sua Santità.

Fu posto, per li Savi d'accordo, far governador

zeneral nostro lo illustrissimo signor Theodoro Triulzi, con homeni d'arme 200 in biancho e cavali lizieri 50, con ducati 25 milia e 500 a l'anno, per anni do di fermo et uno di rispetto in libertà di la Signoria. Et sier Lucha Zen procurator di anni 86 contradise e parlò longamente, dicendo è bon indusiar. Poi parlò sier Francesco Bolani l'avogador di comun, qual laudò tuor il signor Gasparo di San Severin ditto Frachasso; ma è in contrario, San Severini è nimici di Triulzi, poi Frachasso è tutto dil Papa. Hor andò la parte et fu presa, ave . . .

Scurtinio di orator a Milan

all'illustrissimo monsignor di Barbon, con pena.

Sier Alvise Mozenigo el cavalier, fo Cao dil Consejo di X	88.101
Sier Sebastian Contarini el cavalier, qu. sier Sebastian	39.144
Sier Andrea Foscolo, fo di Pregadi, qu. sier Marco	73.112
Sier Piero da chà da Pexaro, el Cao dil Consejo di X, qu. sier Nicolò	87.100
Sier Domenego Venier, è di Pregadi, qu. sier Andrea el procurator	57.132
Sier Marco Gradenigo el dottor, è di Pregadi, qu. sier Bortolo	48.156
Sier Andrea Mozenigo el dottor, è ai X officii, di sier Lunardo qu. Serenissimo .	56.131
Sier Zuan Corner, l'auditor vechio, qu. sier Francesco	23.162
Sier Antonio Condolmer, fo savio a terra ferma, qu. sier Bernardo	50.139
Sier Anzolo Gabriel, fo auditor novo, qu. sier Silvestro	38.149
Sier Gasparo Contarini qu. sier Alvise, qu. sier Ferigo	78.106
Sier Hironimo Zustinian, fo savio a terra ferma, qu. sier Antonio	90. 94
Sier Andrea Trivisan el dottor, fo capitano a Padoa, qu. sier Tomà procurator .	120. 65
Sier Santo Moro el dottor, è di Pregadi, qu. sier Marin	41.141
Sier Marco Minio, fo savio di terra ferma, di sier Bortolomio	97. 93
Sier Lorenzo Orio el dottor, fo Sinico da terra ferma	34.155
Sier Polo Capello el cavalier, fo savio dil Consejo, qu. sier Vetor	93. 92
Sier Marco Antonio Venier el dottor e provedador di comun, qu. sier Cristofolo	68.114